

Referencia para Ni chigaca lu reunión Xhiiña' Dios ne modo nabáninu

1-7 DE MARZO

CA TESORO ZEEDA LU BIBLIA | NÚMEROS 7, 8

«Xi zanda guizí'dinu de campamento sti' Israel»

it-1 yaza 523 párr. 7

Congregación

Ndaani' guidxi Israel, ca príncipe que nga representante sti' guidubi guidxi que (Esd 10:14). Guirá' ca xaíque sti' ca tribu que bidiica' ofrenda dxi biluxe tabernáculo que (Nú 7:1-11). Ca dxi sti' Nehemías, ca sacerdote, ca levita ne ca xaíque sti' ca familia bí'nica' ti promesa pur guidubi guidxi que ne bicaaca' ni sellu (Ne 9:38-10:27). Ca dxi guzá ca israelita lu desierto, gucualisaa 250 hombre risaca, xaíque sti' ca familia, ne bieguca' Coré, Datán, Abiram ne On para gucaaluca' Moisés ne Aarón (Nú 16: 1-3). Ne casi bisiene Dios Moisés, gulibe 70 ancianu de guidxi Israel para gacané laabe gúnibe ti dxiiña' nabé naro'ba' para laasibe (Nú 11:16, 17, 24, 25). Lu Levítico 4:15 riente de ca ancianu sti' guidxi, ne zándaca ca ancianu sti' guidxi que, ca xaíque sti' ca familia, ca juez ne ca hombre ni napa ti puestu risaca que nga ca representante sti' guidxi que (Nú 1:4, 16; Jos 23:2; 24:1).

it-2 yaza 874 párr. 1

Rubén

Lu campamento sti' Israel, ladu guete de ra nuu tarbernáculo que nga guleza ca rubenita ne cué'cabe nga guleza tribu sti' Simeón ne Gad. Ora guiasa campamento que para chécate sti' ladu, rizániru tribu sti' Judá, Isacar ne Zabulón ne déchecabé ma' nanda tribu sti' Rubén primé, ne tribu

sti' Simeón ne Gad (Nú 2:10-16; 10:14-20). Ne ngueca orden yenándacabe ora bidiicabe ofrenda dxi guca inaugurar tabernáculo que (Nú 7:1, 2, 10-47).

w04 1/8 yaza 25 párr. 1

Ca ni naquiiñe' gánnanu de libru sti' Números

8:25, 26. Bia'si modo biaazi' dxiiña' runi ca levita. Ne ca ni ma' nagola ma' qué runi quirá' ca dxiiña' que, peru zándaru' gacané-cabe xcaadxi levita. Ca dxi stinu ri', guiruti' raca jubilar lu dxiiña' de guni predicar Reino sti' Dios. Lu ley ri' nuu ti principiu ni rusiidi' laanu ti cosa nabé risaca. Pa nuu ti xpinni Cristu ma' huaniisi ne pur nga ma' qué ganda guni cumplir né xiixa privilegiu la? zándaru' gacanebe lu xhiiña' Jehová peru ma' bia' zanda si gúnibe.

Guyúbinu ca perla ni ga'chi'

it-2 yaza 717 párr. 3

Bá'du' primé

Cumu ca hombre ni gale primé ndaani' ca familia sti' ca israelita que nga reeda gaca xaíque ndaani' quirá' familia que la? ngue runi laacabe nga runi representárcabe guidubi guidxi que. Ne Jehová pe' gulee lá guidubi guidxi Israel ba'du' primé sti', purti' laacabe nga primé guidxi ni gulí Jehová pur pactu ni bíniné Abrahán (Éx 4:22). Cumu bilá Jehová ca ba'du' primé sti' ca israelita que la? ngue runi bíní' mandar Jehová gaca santificar quirá' hombre ni gale primé lade ca israelita, primé hombre gapa ti israelita ne primé maní' barracu gapa ca maní' stí-cabe (Éx 13:2). Ngue runi, quirá' hombre gale primé ne quirá' maní' barracu gale primé ma' sti' Dios laaca'.

8-14 DE MARZO

CA TESORO ZEEADA LU BIBLIA | NÚMEROS 9, 10

«Ximodo runi dirigir Jehová xquidxi»

it-1 yaza 403 párr. 6

Campamento

Pur modo riasa campamento stí' ca israelita que para checa' stí lugar, bihuinni jneza modo gudixhe chaahui' Dios laacabe (lu Números capítulo 33 ruzeete' Moisés 40 lugar ra gu'ta' campamento stí' ca israelita). Pa nuu za que luguiá' de tabernáculo que la? qué zaniibi di' campamento stícabe, pero ora guiasa za que la? napa xidé guiasa campamento que. «Ora gudii Jehová orden, riguixhecabe campamento stícabe, ne ora gudii Jehová orden, rindisacabe campamento que» (Nú 9:15-23). Biquiñecabe martíu para bizá'cabe chupa trompeta de plata, ne ca trompeta ri' nga biquiñecabe para gudiicabe orden stí' Jehová interu campamento que (Nú 10:2, 5, 6). Ruxhídxicabe caadxi toque especial stí' trompeta gadxé gadxé modo, ngue rusihuinni caquiiñe' guiasa campamento que. «Lu guiropa iza [1512 a.J.], lu guiropa beeu stini, ra bizaa grande gubidxa stí' beeu ca» biasa za que ique tabernáculo que primé biaje. Primé zániru arca stí' pactu, de raqué ma' zeeda chonna tribu, primeca tribu stí' Judá de racá ma' tribu stí' Isacar ne Zabulón. De raqué ma' zeeda ca guersonita ne ca merrita, ne ma' neca' ca cosa stí' tabernáculo ni raca caber laaca' guaca'. Déchecabe nanda xhonna tribu, primeca tribu stí' Rubén de racá stí' Simeón ne Gad. Despué de laacabe ma' zeeda ca cohatita ma' nuaca' ca cosa stí' tabernáculo que, de raqué ma' zeeda xhonna tribu, primeca Efraín, nándaca Manasés ne Benjamín. Ne ma' de atrá

zeeda tribu stí' Dan primé de racá Aser ne Neftalí. Ndi' rusihuinni ca tribu ni jma nadipa' ne ni jma naro'ba' nga zániru ne ni zeeda de atrá (Nú 10:11-28).

w11 15/4 yaza 4 párr. 4, 5

Ñee nánnanu xi caquiiñe' Dios para guluí' laanu paneza chuunu la?

Ximodo zanda gusihuinninu rudi'nu xquíxepe' Dios pur rului' laanu xi gúninu ya'. Apóstol Pablo cayabi laanu ximodo: «Lazuuba stiidxa cani nuu de xaíque stitu. Laguni ni gabi ca laatu» (Heb. 13:17). Peru, nagana nga para guzuuba' binni diidxa' guirá' ora. Quíxhenu ti ejemplu. Bixui'lú lii nga tobi de ca israelita ni nabani ca dxi stí' Moisés ne ma' zinelu' stale dxi de zinándalu' columna que. Málasi gulezadxini. Zándaca guiní' íquelu' sicari': «Panda gubidxa chiguaanani rari' ya'. Ti dxi la? Ti semana la? o chupa chonna beeu». De raqué ma' guzulú guiní' íquelu' pa zaa guchialu' cani zinelu'. Cumu qué gannu' pabia' tiempu chiguaanu' raqué la? guleelu' cani jma si zaquiiñelu'. Peru ma' gudi'di' stale dxi ne ma' bixhacala'dxu' de cueelu' ni caquiiñelu' ndaani' ca bultu que cada dxi, ngue runi guleelu' guirácani tobi si tiru. Peru órape' calúxelu' que, biasa za que iyanna ma' napa xidé guchalu' guirá' ca cosa stilu' stí' biaje! ¡Zándaca nidxiichilu' óraque! Peru xiru' zanda gu'nu' óraque ya'. Nápalu' xidé gutópalu' guirá' cani napu' nagueenda ne guireelu' de raqué, cásica chiguni guidubi guidxi que (Núm. 9:17-22).

Xi rúninu ora gabi Dios laanu xi naquiiñe' gúninu ya'. Ñee nagueendaca ruzú'banu diidxa' la? o rúninu ca dxiiña' stinu cásica maca cayúninu cani. Ñee zinándanu ca conseju ni nacubi gucuaanu ra na ximodo guidú'ndanenu binni Biblia, modo guchechenu diidxa' ra nuu binni de stí guidxi,

modo guni adorarnu Dios né binnilídxinu, modo gaca xpia'nu lu ca guendaridagulisaa ro' ne modo gacanenu Grupu de Binnigola ni Rini'né ca Doctor la? Sti modo rusihuín-ninu rudi'nu xquíxepé' Dios pur cului' laanu xi gúnimu nga ora ricaanu ca conseju gudii-cabe laanu. Nga runi, ora chitixhe íquenu gúnimu xixa ni risaca la? qué rinándanu ni zeeda si lu xpiaaninu, sínunque ruyúbinu Jio-bá ne xquidxi para gacané laanu. Ne cásica ruxooñé' ti xcuidi ra nuu bixhoze ora guzu-lú guiba nisaguié ne xhidxi rayu la? laanu laaca ruyúbinu guilanu ndaaní' neza binni ridagulisaa ora queeda ca guendanagana stí' guidxilayú ri' luguijanu.

Guyúbinu ca perla ni ga'chi'

it-1 yaza 226 párr. 4

Asamblea

Pabiá' risaca ca reunión. Bisihuinni saa stí' Pascua que nabé risaca ca reunión ra rabi Jehová laacabe xi naquiiñé' gúnicabe. Guirá' hombre ni nuu nayá casi ná Ley ne qué che' Saa stí' Pascua la? naquiiñé' gati', pero qué rúnicabe laabe gastí' pa biaadxabe partí' qué guínnibe xquíxibe (Nú 9:9-14). Dxi gunaba' rey Ezequías ca binni de Judá ne de Israel guni celebrarca' pascua ndaaní' guidxi Jerusalén la? sicari' gúdxibe laaca': «Binni de Israel, laguibigueta' ra nuu Jehová [...], cadi gácatu tercu casi guca ca bixhozebiidatu. Laguzuuba' stiidxa' Jehová ne latá' ndaaní' templu stí' ni ma' biñi' santificar para siempre, ne laguni ni ná Jehová Dios stitu para cadi guidxiichiné-rube laatu [...]. Partí' Jehová Dios stitu nacha'hui' ne riá binni, ne qué zudxiidé-chebe laatu pa guibiguétatu ra nuube» (2Cr 30:6-9). Pa guiaadxa' tuuxa partí' si qué na' che' la? cusihuinni cudxiideche Dios. Necá ma' qué runi celebrar ca xpin-

ni Cristu xiixa saa casi Pascua, apóstol Pablo riguu gana laanu cadi guiá'dxanu ca reunión runi xquidxi Dios gatigá, sicari' guni'be: «Ne naquiiñé' gucá' íquenu gacanésaanu ti guiale de ndaaní' ladrido'no gannaxhiisaanu ne gúnimu cosa galán, ne cadi guusaana de chuunu ca reunión sti-nu, casi runi ca ni ma' biaa cadi che'. Ni gúnimu nga cú'saanu gana laanu, ne jmaru' si yanna ra cadú'yanu jma ma' gaxha nuu dxi stí' Dios» (Heb 10:24, 25; laaca zanda gú'yalu' CONGREGACIÓN).

15-21 DE MARZO

CA TESORO ZEEDA LU BIBLIA | NÚMEROS 11, 12

«¿Xiñee cadi naquiiñé' gácanu binni ni raca quejar?»

w01 15/6 yaza 17 párr. 20

Cadi gácanu binni ni rucaadiaga si ne ru-siaanda'

²⁰ Stale de ca xpinni Cristu qué riábadica' lu pecadu sexual. Peru naquiiñé' chu'nu ciudadu ti cadi guzulú gúnimu xiixa ni gucaa laanu gácanu binni ni raca quejar, pacaa ma' qué ziuula'dxi' di' Dios ni rúninu. Ndi' nga conseju ni bidii Pablo laanu: «Laa-ca cadi gutí'dinu Jehová lu prueba, casi bitiidi' chupa chonna de [ca israelita] laabe lu prueba, ngue runi biquichi' beenda' laaca' ne gútica'. Ne cadi guni criticarnu casi biñi' criticar chupa chonna de laacabe, ngue runi biiti ti ángel stí' Dios laacabe» (1 Corintios 10:9, 10). Cadi de Moisés ne Aarón si guca quejar ca israelita, laaca guca quejárcabe de Dios. Necá guirá' dxi runi Dios ti milagru para gudii laacabe ni gó McCabe, pero guca quejárcabe xiñee puru maná si rudii Dios laacabe (Números 16:41; 21:5). ¿Ñee jma bidxiichiné Jehová laacabe

ora guyuunécabe ni cadi xheelacabe que ora guca quejárcabe la? Lu Biblia riete guti stale binni ni guca quejar ora biquiichi' caadxí beenda' laaca' (Números 21:6). Ne ante guizaaca ndi' binitilú Jehová 14,700 binni ni bicaalú laabe ne bi'ni' criticar (Números 16:49). Nga runi, cadi zácxanu qué zadxiichi-né Jehová laanu pa gaca quejarnu de ca ni rudii laanu.

w06 1/8 yaza 4 párr. 7

Gúninu ni na Dios sin quiche ruaanu

7 ¡Guizá' ma' bichaa modo guní' ique ca israelita que! Ora bireecabe de Egipto ne gudi'dicabe nisadó' Xiñá' que bidiicabe xquíxepe' Jiobá, dede bicaa ni laacabe gúndacabe para gusisácacabe laabe (Éxodo 15:1-21). Peru, cumu qué ñápacabe guirá' ni niquiñecabe lu desiertu que ne bidxibicabe ca binni de Canaán la? guizá' bidxiichicabe. Lugar de nudiicabe xquíxepe' Dios pur gulee laacabe de esclavu, laga bigaanica-be donda laabe partí' nácabe qué nudiibe ni caquiiñecabe. Cani guní'cabe que bisihuinni qué ñuucabe nayeche' ne cani bidii Jiobá laacabe. Nga runi laabe gunabadi-dxabe: «Padxí nga ma' gusaana guirá' ca binni malu ri' de quiche ruaaca' pur ni cayune' pue» (Números 14:27; 21:5).

it-2 yaza 855 párr. 2 Guendaridinde

Quicheruaa. Ora riguicheruaa tuuxa la? ribee ni gana stobi ne runiná ni laa. Cadi xadxí de biree ca israelita que de Egipto, guca quejarcá' de Jehová, guca quejárcabe de ca ni gulí Jehová para sá-niru lúcabe, de Moisés ne Aarón (Éx 16:2, 7). Pur ni guní'cabe guleecabe gana Moisés dede gunaba' gati' (Nú 11:13-15). Tuuxa ni nabé riguicheruaa zanda cu' xquendanabani ra naxoo. Ora guca quejárcabe, biiya'

Jehová ni casi ñaca cayaca quejárcabe xiñee gulibe Moisés (Nú 14:26-30). Guti stale de laacabe partí' gúcacabe binni ni runi criticar.

Guyúbinu ca perla ni ga'chi'

it-2 yaza 288

Maná

Ximodo ni. Naca maná que blancu casi semiá stí' cilantru ne rihuínnini casi bedelio, ni zeeda gaca casi cera ne napa forma stí' ti perla. Napa maná que sabor stí' ti galleta de miel o ti galleta nanaxhi ni xuubi aceite lu. Despué de gú'tucabe ni né ti molinu de manu o gucaachebare ni né ti yaga o ti mazu la? rusindaabicabe ni o rúnicabe ni galleta ne riguucabe ni horno (Éx 16:23, 31; Nú 11:7, 8).

22-28 DE MARZO

CA TESORO ZEEDA LU BIBLIA | NÚMEROS 13, 14

«Ora nápanu fe rácanu nadxibalú»

w06 1/10 yaza 16 párr. 5, 6

Zácanu binni nadxibalú ora nápanu fe ne ora ridxibinu Dios

⁵ Peru Josué ne Caleb, chupa de ca hombre ni guyé que, ma' racalá'dxica' chu'ca' lu Layú Bizabiruaa Dios gudii laacabe que, ngue runi guní'ca': «[Ca binni de Canaán ca] zeeda gácacabe casi pan para laanu. Guirutí' qué zanda gulá laacabe de lu nanu, ne Jiobá nuuné laanu. Cadi guidxíbitu laacabe» (Números 14:9). Ñee qué ganna ca hombre ri' xi caní'ca' la? Nánnacabe pue. Partí' cásica guidubi guidxi que, laacabe ma' biiyacabe guizá' napa Jiobá poder. Biiyacabe biquiñé' Jiobá chii plaga para bisabaná' guidxi Egipto ne ca dios stí'; ne laaca biiya'

cabe biiti Jiobá Faraón ne ca soldadu stí' ndaaní' nisadó' Xiñá' que (Salmo 136:15). Nga runi, qué ñuu dí' nin ti razón para ni-dxibi chii hombre ni yeguuya layú que ne ca binni ni bicaadiaga laacabe. Cumu bidxibí-cabe la? bisiuubacabe ladxidó' Jiobá ne laa gudxi laacabe: «Padxí ma' gapa guidxi ri' respetu naa pue. Padxí ma' gápacabe fe naa pue, naa nda' ma' bine' stale cosa pur laacabe» (Números 14:11).

⁶ Jiobá bisihuinni cadxibí-cabe partí' qué gápacabe fe. Dxandí' caquiiñe' gápanu fe ne gácanu binni nadxibalú. Zacá bisihuinni apóstol Juan ni ora bicaa ca diidxa' ri' ra nuu ca xpinni Cristu ni gupa guendanagna pur bíñica' ni na Dios: «Zanda quixhe dxí nu irá enda nadxaba ni nuu ndaani guidxilayú. Zanda guni nu ni partí [nápanu fe]» (1 Juan 5:4). Ca dxi stinu ri', ca testigu stí' Jiobá nápacabe fe cásica gupa Josué ne Caleb nga runi randa rucheecheca' diidxa'. Ne guirá' ca Testigu runi dxiiña' ri', cásica nahuiini' zaqueca ni huanisi, cásica ni nazaaca zaqueca ni huará. Guiruti' qué huayanda gucueeza dxiiña' ni cayuni guirá' ca binni ri' partí' nápacabe fe ne nadxibalúcabe (Romanos 8:31).

Guyúbinu ca perla ni ga'chi'

it-1 yaza 740

Layú ni bidii Dios guidxi Israel

GUIZÁ' galán layú bidii Dios guidxi Israel. Ora biseenda' Moisés tu chiguuya' ximo-do nuu layú ni guní' Dios chigudii laacabe ne quedaneca' caadxi de ni rudii layú que, bedaneca' du'ga', granada ne ti racimu naró'ba' de uva dede gupa xidé guyuá' chupa hombre ni né ti vara. Peru neca cadxibí-cabe, partí' huaxié' fe nápacabe, guní'cabe dxandí' nuu ziá' leche ne miel lu layú que (Nú 13:23, 27).

29 DE MARZO HASTA 4 DE ABRIL

CA TESORO ZEEADA LU BIBLIA | NÚMEROS 15, 16

«Cadi gácanu orgulloso ne guni confiar xhaatanu laca laanu»

w11 15/9 yaza 27 párr. 12

Nee runibiá' Jiobá naa la?

¹² Peru dxi zécate neza para chúcabe lu Layú ni Bizabiruaa Dios, guyuu ti ora guní' ique Coré cadi jneza modo ziné Dios xquidxi. Laabe ne 250 hombre ni risaca de guidxi que, gecalá'dxicabe nuchaacabe modo cayaca caadxi cosa. Zándaca guní' íquecabe cayuula'dxi' Dios ni cayúnicabe, ngue runi bicaalúcabe Moisés. Gúdxicabe laabe ne Aarón bí'chibe: «Ma' biá'catí' né laatu, partí' nayá guirá' ca binni ri', ne nuu Jiobá galaa de laacabe» (Núm. 16:1-3). ¡Racá bisihuínne nabé rudxiibabe laca laabe! Ndi' si nga ni gudxi Moisés laabe: «Zusihuinni Jiobá tuu nga ca xpinni». Sicari' na Biblia: «De raqué gúdxibe Coré ne ca binni ni nanda laa sicari': "Siado'ro' zusihuinni Jiobá tuu nga ca xpinni ne tuu nga cani nayá ne tuu nga cani naquiiñe' guidxiña laabe, ne tutiica cuibe la? nga nga ni zadxiña laabe» (**Números 16:5**). Ra biluxe sti dxi que, mápeca guti Coré ne ca binni ni yenanda laa (Núm. 16:31-35).

w11 15/9 yaza 27 párr. 11

Nee runibiá' Jiobá naa la?

¹¹ Guidú'yanu ejemplu stí' Moisés ne Coré, gadxé gadxé modo biiya' Jiobá cada tobi de laacabe. Xiñee ya'. Partí' gadxé gadxé ni bíñicabe. Moisés bizuuba' diidxa', peru Coré qué ninanda ni bíñi' mandar Dios gaca. Guidú'yanu modo bibani Coré, ti levita ni zeeda de familia stí' Qohat. Zándaca biiyabe stale cosa ni bíñi' Jiobá pur xquidxi. Tobi

de laacani nga dxi bilabe laaca' de Faraón ora gudi'dica' ndaani' nisadó' Xiñá'. Laaca biiyabe ora bisabaná' Dios ca israelita ni qué nuzuuba' diidxa' ñee dani Sinaí, ne zándaca laaca gucanebe ora yenécabe guiña sti' pactu (Éxo. 32:26-29; Núm. 3:30, 31). Rulu' si bizuubabe stiidxa' Jiobá pur stale iza, ngue runi biñi' respetar stale de ca israelita laabe.

Guyúbinu ca perla ni ga'chi'

w98 1/9 yaza 20 párr. 1, 2

Biiya' chaahui' xii nga ni jma risaca

Qué ñuuya' Jehová ni bizaaca ri' casi guendarigue. Biblia ná: «Para gudxi Jehová Moisés: "Naquiiñe' gati' hombre ca"» (Números 15:35). ¿Xiñee qué ñuula'dxi' Jehová ni biñi' hombre que ya?

Napa guidubi guidxi que xhoopa' gubidxa para chitopa yaga, guyubi ni gó, ni gacu' ne guni tender ca dxiiña' raca ra yoo. Peru ra guizaa gadxe gubidxa que naquiiñe' cueechúcabe ni para si guni adorárcabe Dios. Neca cadi malu nga chitópacabe yaga, peru cadi jneza di' gúnicabe ni dxi ma' guleechúcabe para guni adorárcabe Jehová. Neca ma' cadi zinanda ca xpinni Cristu Ley sti' Moisés, ni bizaaca ri' rusiidi' ni laanu pabia' risaca guidu'ya' chaahuinu xii nga ca cosa ni jma risaca para laanu (Filipenses 1:10).

5-11 DE ABRIL

CA TESORO ZEEDA LU BIBLIA | NÚMEROS 17-19

«Naa nga herencia stilu'»

w11 15/9 yaza 13 párr. 9

Ñee cudi'nu lugar gaca Jiobá herencia sti-nu la?

⁹ Guin' íquenu de tribu sti' Leví que sti

biaje. Laacabe qué nicaacabe nin ti ndaa layú de herencia. Peru cumu dxiiña' stí-cabe nga gacanécabe guidxi que guni adorar Jiobá jneza la? zanda guni cré-cabe zapa Dios laacabe, purti' laa maca guní' ca diidxa' ri': «Naa nga herencia ni raca caber guicaalu' lade ca xiiñi' Israel» (Núm. 18:20). Neca qué runi adorarnu Dios ndaani' ti yu'du' casi biñi' cani ruzaaqui' gu'xhu' ne ca levita, laaca galán gusihuínninu zudii Dios laanu guirá' ni caquiiñenu. Jma naquiiñe' gápanu fe yanna, purti' ma' cadxiña dxi guinitilú guidxilayú malu ri' (Apo. 13:17).

w11 15/9 yaza 7 párr. 4

Jiobá nga herencia stinu

⁴ Casi ma' bidú'yanu ca, qué nicaa ca levita nin ti ndaa layú; ni gucuaacabe casi herencia nga gácacabe ni ruzaaqui' gu'xhu' para Jiobá (Jos. 18:7). Nga runi gúdxibe laaca' ni cá lu Números 18:20: «Naa nga herencia ni raca caber guicaalu'». Yanna, ñee ziaanacabe casi binni pobre purti' si qué gápacabe layú la? Guidú'yanu xi rini' xcaadxi versículo de laani. Biblia na: «Purti' diezmu ni ribee ca xiiñi' Israel, ni guleechúcabe para gudiicabe Jiobá, ma' gudixhe' gucaa ca levita ni casi herencia. Nga runi ma' gudxe' laacabe: "Lade ca xiiñi' Israel cadi naquiiñe' guyúbitu herencia para laatu"» (**Números 18:24**). Pur dxiiña' ni cayúnicabe, napa xidé gudii ca israelita laacabe chii por ciento de cosecha ni rindísaca' ne de ca maní' ni gale stica'. Peru ca levita que laaca ribeeca' chii por ciento de ni ricaaca' para gudiicabe ni cani ruzaaqui' gu'xhu' (Núm. 18:25-29). Cani ruzaaqui' gu'xhu' laaca ricaaca' ca cosa risaca ni riné ca israelita para Dios. Nga runi, zanda guni crécabe zudii Jiobá guirá' ni caquiiñecabe.

Guyúbinu ca perla ni ga'chi'

g02 8/6 yaza 14 párr. 2

Zidi, xiixa ni nabé risaca

Dxiqué, laaca biquiñecabe diidxa' zidi para guinícabé de xiixa seguru ne ni rindaa. Ora riete lu Biblia de ti pactu de zidi la? caniñi de ti pactu ni rindaa, ne para chúcabe se-guru zaca cumplir ni la? ca ni runi pactu ri'rócabé ti guendaró ni napa zidi (Números 18:19). Ley sti' Moisés que ná, naquiiñe' cúcabe zidi ca sacrificiu ni rudiicabe Dios, zándaca rúnicabe ni para gusihuínncabe cayúnicabe ni jneza ne nuucabe nayá nezalú Dios.

12-18 DE ABRIL

CA TESORO ZEEDA LU BIBLIA | NÚMEROS 20, 21

«Gácanu binni nadó' neca gápanu xiixa presión»

w19.02 yaza 12 párr. 19

Gácanu nadó' ne gúninu ni riuula'dxi' Jiobá

19 Zacané ni laanu cadi guche'nu stale. Guiní' íquenu ni bizaaca Moisés sti biaje. Stale iza gúcabe nadó' ne bínibe cosa ni riuula'dxi' Jiobá. Peru, ra ma' ziluxe cuarenta iza de viaje bíní' ca israelita que lu desiertu, ma' qué ñaca Moisés nadó'. Bizá'nabe, ni zándaca gucané laabe para cadi ñuuticabe laabe Egipto, cadi xadix de guti ne bicaachicabe laa Qadés. Bizi-lú ca israelita que caguicheruaaca' purti' qué gápacá' ca cosa ni caquiiñeca'. Biblia ná bidxiichiné guidubi naca guidxi que Moisés purti' qué gápacá' nisa. Biquiñe' Jiobá Moisés para bíní' stale milagru ne stale iza bíní' Moisés xhiiña' jneza casi xaique, peru nin ne zaqué gudicheruaa ca israelita

que. Ne laaca bidxiichiné cabe Moisés, neca cadi laa napa donda pur gasti' nisa (Núm. 20:1-5, 9-11).

w19.02 yaza 13 párr. 20, 21

Gácanu nadó' ne gúninu ni riuula'dxi' Jiobá

20 Cumu nabé stale cosa cadi'di' Moisés ca dxi que la? ma' que ñuni huantarbe ne bidxiichibe stale. Ne lugar de ñápabe fe ne niní'nebe guié que casi bíní' mandar Jiobá laabe, laga gudindenebe ca israelita que ne gúdxibe laaca' chigúnibe ti milagru. Óraque bichéndabe vara stibe chupa biaje lu guié que ne biree ziá' nisa. Bicheebe purti' bidxiichibe ne gúcabe orgulloso (Sal. 106:32, 33). Cumu nagueenda bidxiichibe la? pur ti ratuhuiini' si ma' qué niná di' Jiobá ñuube ndaani' Tierra Prometida (Núm. 20:12).

21 ¿Xi rizidinu de ni bizaaca Moisés? Primé, cadi naquiiñe' gusaana de gúninu stipa pur gácanu nadó'. Pa qué gápanu cuidadu la? ti ratuhuiini' si zándaca quiba' orgullo laanu ne pur nga guinu o gúninu xiixa sin guiní' íquenu. Guiropa, zanda cuee estrés gana laanu, nga runi gúninu stipa para cadi gu-saana de gácanu binni nadó' neca nápanu stale estrés.

w09 1/9 yaza 19 párr. 5

Ti Juez ni ruyubi gaca ni jneza

Primé, qué ñuu ora ñabi Jehová Moisés nidi-dindené guidxi que ne gabi laacabe binni qué ruzuuba' diidxa'. Guiropa, qué nusisaca Moisés ne Aarón Jehová, ne bíní' castigar Jehová laacabe purti' qué nusisácacabe laa (versículo 12). Ora guní' Moisés «cueedu nisa para laatu» casi xa ñaca nini'be laabe ne Aarón chigúnicabe ti milagru para gu-diicabe nisa guidxi que ne cadi Dios di'. Guionna, cadi deru' primé biaje nga gu-dii Jehová ti castigu casi ni bidiibe Moisés

ne Aarón. Laaca qué nudíibe lugar nindá caadxi binni ni qué ruzuuba' diidxa' Canaán (Números 14:22, 23). Ne guidapa, cumu laacabe nga zanírucabe lu guidxi que la? guleza Dios jma de laacabe (Lucas 12:48).

Guyúbinu ca perla ni ga'chi'

w14 15/6 yaza 26 párr. 12

**Ñee ridú'yanu cani cadi naguidxi nuu fe
sti' casi ruuya' Jiobá laaca' la?**

¹² Ñanda ñuni castigar Jiobá Aarón nagueen-daca pur guirá' ni bín'i'. Bidiibe cuenta cadi malu di' Aarón neca bichee stale biaje. Bínibe zaqué partí' bicaa xcaadxi binni laabe gúnibe ni. Peru ora bilu'cabe laabe paraa bicheebe, nagueendaca guní'be dxandí' nápabe donda ne bínibe ni gudxi Dios laabe (Éx. 32:26; Núm. 12:11; 20:23-27). Cumu bisihuinni Aarón nadxii Jiobá ne guca arrepentir la? bitiidilá'dxibe laa. Gayaua iza despué, bietenalá'dxiru' binni laabe ne ca xiiñibe casi binni ni runi ni na Jiobá (Sal. 115:10-12; 135:19, 20).

19-25 DE ABRIL

CA TESORO ZEEDEA LU BIBLIA | NÚMEROS 22-24

«Zanda cuee Jehová xiixa galán de ti desgracia»

bt yaza 53 párr. 5

«Guni'be ca noticia galán ni caní' de Jesús»

⁵ Cásica lu primé siglu que, yanna ri' guiruti' huayanda gucueeza de gaca predicar. Stale biaje, ora cúcabe ca xpinni Cristu ndaa-ní' cárcel o chinécabe laaca' sti ladu, lugar de nucueezacabe de ñunadiaga binni stii-dxa' Reinu, laga jmaru' si stale binni ranna de laani. Guzé'tenu ti ejemplu, lu Segunda

Guerra Mundial, gucané ejemplu sti' stale hermanu ni guyuu lu ca campu de concentración nazi que xcaadxi binni gunibia'ca' Jehová. Sicari' nga modo binibiá' ti judíu Jehová, laa guní': «Pur modo bín'i' huantar ca testigu sti' Jehová ndaaní' cárcel, gucané ni naa ganna dxandi' pe' lu Biblia zeeda guira' ni runi crécate, ngue runi guca' Testigo».

it-2 yaza 250

Gaca ique tuuxa

Ti guendahuati nga gucaalúcabe Jehová. Ti guendahuati ngue bín'i' Balaam ra gucala'dxi' ninaba' mal para guidxi Israel para si guiccaa bueltu sti' Balac, rey sti' Moab. Peru biceeza Jehová laabe. Sicari' guní' apóstol Pedro de ni bizaaca Balaam: «Guni'né ti burru laabe casi riní' binni, ne raqué biaanadxí guendahuati sti' profeta que». Para guzeete' apóstol Pedro de guendahuati bín'i' Balaam, biquiñibe diidxa' griegu pa-ra-fro-ní-a, ni riní' gastí' xpiaani' (2Pe 2:15, 16; Nú 22:26-31).

Guyúbinu ca perla ni ga'chi'

w04 1/8 yaza 27 párr. 2

Ca ni naquiiñe' gánnanu de libru sti' Números

22:20-22. ¿Xiñee bidxiichiné Jehová Balaam? Maca gudxi Jehová profeta Balaam cadi naquiiñe' guni maldecir ca israelita (Números 22:12). Peru qué niná Balaam nuzuuba' diidxa' ne yené ca hombre runi xiñia' Balac, gucalá'dxibe ñúnibe ni ná rey sti' Moab partí' nuube guicaabe xiixa (2 Pedro 2:15, 16; Judas 11). Necá qué na' Balaam, guluu ndaaya' guidxi Israel lugar de ñuni maldecir ni, peru cumu nuurube ugabe rey que la? gúdxibe laa iquiiñe' ca gunaa runi adorar Baal para gusaba ca

hombre israelita (Números 31:15, 16). Bidiichiné Jehová Balaam partí' guchelú guni ganar bueltu.

26 DE ABRIL HASTA 2 DE MAYO

CA TESORO ZEEEDA LU BIBLIA | NÚMEROS 25, 26

«Pur ni guni ti binni zanda gacané xcaa-dxi»

Iv yaza 97 párr. 1, 2

«Cadi chú'netu ni cadi xheelatu»

TI HOMBRE rié guuze' benda riuula'dxi' che' ti lugar ra nanna zanaaze' ti clase benda ni racala'dxi'. Ribí chaahuibe ni chichuu ruaa anzuelu stibe, ne rulaabe ni ndaani' nisa. Málasi biiyabe ma' zutipa anzuelu stibe, ne guleebe benda ni gunaazebe que. Riéchebe ne dede ruxidxi huiinibe partí' biá'sipe' nga ni bicaabe ruaa anzuelu stibe.

² Zacaca bizaaca lu iza 1473 ante de ca dxi stí' Jesús, ti hombre lá' Balaam biyubi modo gusaba caadxi binni lu trampa stí'. Ca binni ni gudixhe íquebe gusábabe nga xquidxi Dios, ni guleza lu pampa stí' guidxi Moab, ni dxaaga layú guní' Dios guicaabe. Necá hombre ri' na naca tobi de caní riguixhená stí' Dios, pero cadi dxandi' ni, partí' gucalá'dxibe ñápabe para laasibe ne gudíexecabe laabe para guini'be mal de ca israelita que. Peru qué nudii Jiobá lugar nini'be mal de ca israelita que, sínunque bicaa laabe uguube ndaaya' laaca'. Cumu cá íquebe guíxabe la? biybíbibe modo gusábabe ca binni que lu trampa stibe. Guní' íquebe pa guyúbíbibe modo guchee ca israelita que ma' qué zuguu ndaaya' Dios laaca'. Xi biquiñebé para bicaabe ca israelita que gucheeneca' Dios ya'. Ca gunaa sicarú de guidxi Moab (Números 22:1-7; 31:15, 16; Apocalipsis 2:14).

Iv yaza 98 párr. 4

«Cadi chú'netu ni cadi xheelatu»

⁴ Xiñee guti ca israelita que ya'. Purtí' stale de laaca' bixéleca' de Jiobá ne bínica' guendaquéíquiñé'. Bisiaandaca' modo bila-be laaca' de Egipto, modo biyaanabe ne modo gúpabe laaca' lu desierto para gunda guyuuca' lu layú ni guni'be guicaaca' (Hebreos 3:12). Pablu bietenala'dxi' ni bizaaca ca binni que ora guní' ca diidxa' ri': «Ne cadi chu' né nu gunaa, casi bi'ni caadxi de laacabe, ne ti dxi si guti veintitrés mil de laacabe» (1 Corintios 10:8).

Guyúbinu ca perla ni ga'chi'

it-2 yaza 238 párr. 1, 2

Ra riluxe

Para biaazi' layú que, guleecabe suerte ne biyyacabe pabiá' binni napa ca tribu que. Ra biree suerte que, gúnnacabe paraa raca tocar guiccaa cada tribu casi herencia, pa ladu guia', pa ladu guete', pa ladu riree gubidxa o pa ladu riaazi' gubidxa, pa gaxha de ra nuu nisadó' o gaxha de ra nuu dani. Cumu Jehová nga gudixhe paraa guiccaa cada tribu la? ngue runi qué ninícabé xiñee ne qué ñuudíndecabe (Pr 16:33). Biyyabe guiree suerte que modo bi'ni' profetizar Jacob ante gati' ne guiccaa cada tribu ra raca caber laa, casi riete lu Génesis 49:1-33.

Despué de gúnnacabe paraa guca tocar cada tribu, biyyacabe pabiá' layú naquiiñé' guiccaa cada tribu según bia' binni napa. «Naquiiñé' cueetu suerte para qui'zitu ca layú ca lu xfamiliatu. Naquiiñé' gudiitu sti ndaa layú ca grupu jma naro'ba', ne gáxhatu sti ndaa ca grupu jma nahuiini'. Guirá' tu zacaa herencia según suerte guiree. Guiratu zacaatu ti herencia según ra guca caber tribu stí' bixhózetu» (Nú 33: 54). Necá qué nuchaa lugar ra raca caber

laacabe guicaacabe, pero gucuaacabe layú segúن bia' tribu stícabé. Nga runi ora biiyacabe nabé xirooba' layú guca caber tribu stí' Judá, biaaxhacabe ti ndaa layú que ne gucuaa tribu stí' Simeón ni (Jos 19:9).